

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 5. Zakona o štrajku („Službene novine Federacije“ broj 14/00), razmatrajući poziv Sindikata osnovnog obrazovanja i odgoja Federacije Bosne i Hercegovine Zeničko-dobojskog kantona i Sindikata srednjeg i visokog obrazovanja, odgoja, nauke i kulture Bosne i Hercegovine Kantonalnog odbora Zeničko-dobojskog kantona, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 163. sjednici, održanoj 09.05.2014. godine, d o n o s i

ZAKLJUČAK

o utvrđivanju prijedloga poslova koji se ne mogu prekidati u slučaju održanja štrajka

I.

U cilju osiguranja uvjeta da prava djece i mladih na obrazovanje ne budu ugrožena ili onemogućena zbog štrajka u obrazovanju, utvrđuje se prijedlog poslova koji se ne mogu prekidati za vrijeme štrajka i koji će biti osnova za zaključenje sporazuma sa sindikatima o poslovima koji se ne mogu prekidati za vrijeme štrajka uposlenika u ustanovama osnovnog, srednjeg i visokog obrazovanja.

II.

U okviru minimuma poslova koji se ne mogu prekidati za vrijeme trajanja štrajka u **osnovnim školama**, zaposleni su dužni da budu u ustanovama osnovnog obrazovanja u vremenu od 07,30 – 16,00 sati.

Poslovi koji se ne mogu prekidati za vrijeme trajanja štrajka su:

- poslovi obezbjeđenja imovine škole (objekta i opreme škole),
- poslovi prihvata i brige o učenicima u ustanovama za djecu sa poteškoćama u razvoju,
- organizacija nastave i izdavanje svjedodžbi za učenike,
- obavljanje upisa djece u prvi razred osnovne škole,
- realizacija ugovorom preuzetih obaveza (ekskurzije, projekti, sl.),
- minimum poslova direktora i sekretara škole.

III.

U okviru minimuma poslova koji se ne mogu prekidati za vrijeme trajanja štrajka u **srednjim školama**, zaposleni su dužni da budu u ustanovama srednjeg obrazovanja u vremenu od 07,30 – 16,00 sati.

Poslovi koji se ne mogu prekidati za vrijeme trajanja štrajka su:

- poslovi obezbjeđenja imovine škole (objekta i opreme škole),
- poslovi smještaja i ishrane učenika u ustanovama koje u okviru svoje djelatnosti imaju i smještaj i ishranu učenika,
- poslovi prihvata i brige o učenicima u ustanovama za djecu sa poteškoćama u razvoju,
- organizacija nastave, priprema i provođenje završnih/maturskih ispita, izdavanje svjedodžbi i diploma za učenike,
- obavljanje upisa učenika u prvi razred srednje škole,
- realizacija ugovorom preuzetih obaveza (ekskurzije, projekti, sl.),
- minimum poslova direktora i sekretara škole.

IV.

U skladu sa aktom Sindikalne organizacije Univerzitet u Zenici od 07.05.2014. godine i aktom Univerziteta u Zenici broj: 01-100-020-1545/14 od 07.05.2014. godine zaposlenici Univerziteta u Zenici, (visokoškolskih ustanova) će u vrijeme trajanja štrajka obavljati svoje redovne poslovne aktivnosti.

V.

Zaposlenicima koji sudjeluju u štrajku će se isplatiti plaća srazmjerno vremenu sudjelovanja u štrajku, u skladu sa odredbama kolektivnog ugovora.

VI.

Vlada kantona predlaže Sindikatu osnovnog obrazovanja i odgoja Federacije Bosne i Hercegovine Zeničko-dobojskog kantona i Sindikatu srednjeg i visokog obrazovanja, odgoja, nauke i kulture Bosne i Hercegovine Kantonalnog odbora Zeničko-dobojskog kantona da na temelju prijedloga poslova iz tački II. i III. ovog zaključka sporazumno utvrde poslove koji se ne mogu prekidati za vrijeme štrajka, odnosno postignu sporazum iz člana 5. stav 1. i 2. Zakona o štrajku.

VII.

Vlada Kantona je opredjeljena da se sva sporna pitanja vezana za prava iz radnih odnosa rješavanju u duhu međusobnog razumjevanja i zajedničke saradnje uz poštivanje odredaba Zakona o radu i Zakona o štrajku, koje se odnose na postupak mirnog rješavanja sporova (mirenje).

VIII.

Zadužuju se Ministarstvo za obrazovanje, nauku, kulturu i sport, Ministarstvo za pravosuđe i upravu i Ministarstvo za rad, socijalnu politiku i izbjeglice, da svako u okviru svojih nadležnosti i kroz koordinirano djelovanje pokrenu aktivnosti za mirno rješavanja nastalog kolektivnog radnog spora u skladu sa odredbama Zakona o radu i Zakona o štrajku.

IX.

Zaključak stupa na snagu danom donošenja.

Broj: 02-_____/14.
Datum, 09.05.2014. godine
Z e n i c a

PO OVLAŠTENJU PREMIJERA

Rifat Delić,
ministar Ministarstva unutrašnjih poslova,

DOSTAVLJENO:

1x Stručnoj službi Vlade
1x Ministarstvo za obrazovanje, nauku, kulturu i sport
1x Ministarstvu za pravosuđe i upravu
1x Ministarstvo za rad, socijalu politiku i izbjeglice
1x a/a.